

СВЯЩЕННОМУЧЕНИК  
ПРОТОИЕРЕИ СТАВРОВСКИЙ

**ПОЛНЫЙ  
ПРАВОСЛАВНЫЙ  
МОЛИТВОСЛОВ**

# Алексий Ставровский

## Полный православный

### МОЛИТВОСЛОВ

*Текст предоставлен правообладателем*

*[http://www.litres.ru/pages/biblio\\_book/?art=50726124](http://www.litres.ru/pages/biblio_book/?art=50726124)*

*Полный православный молитвослов. Составленный священномучеником протоиереем Алексием Ставровским: Сатишь; Санкт-Петербург; 2005*

*ISBN 5-7373-0238-5*

#### **Аннотация**

В наших молитвах мы обращаемся ко Господу, Божией Матери, просим помощи и заступничества святых угодников Божиих.

В основе Полного православного молитвослова – труд петербургского протоиерея, священномученика Алексия Ставровского, бывшего с 1896 г. по 1918 г. настоятелем Адмиралтейского собора. На основе одобренных Священным Синодом и духовной цензурой акафистов и церковных служб им был составлен сборник молитв, ныне дополненный и отредактированный. Молитвослов состоит из трех частей: молитвы Спасителю и Пресвятой Троице, молитвы Божией Матери и молитвы святым угодникам Божиим.

# Содержание

Отдел первый	12
10 июля[1],	14
Молитва Спасителю	14
Тропарь, глас 4-й	14
1 августа, в праздник Происхождения (изнесения) честных древ Животворящаго Креста Господня	16
Молитва Спасителю	16
16 августа, в день перенесения Нерукотворенного образа Спасителя из Едессы в Константинополь	17
Молитвы Спасителю	17
Молитва Пресвятей Троице	18
Молитва Богу Отцу	19
Молитва Богу Сыну	21
Молитва Богу Духу Святому	22
Молитвы Господу Иисусу Распятому	23
Молитва первая	23
Молитва вторая	25
Молитва воскресшему Спасителю	26
Молитвы Иисусу Сладчайшему	28
Молитва первая	28
Молитва вторая	31

Молитва третья	32
Молитва Софии – Ипостасной	33
Премудрости Божией, Спасителю нашему	
Господу Иисусу Христу (15 августа и 8	
сентября)	
Тропарь, гл. 1-й	35
Тропарь, гл. 8-й	35
Тропарь, гл. 4-й	35
Величание	36
Молитвы Животворящему Кресту	36
Господню	
Молитва первая	36
Молитва вторая	37
Отдел второй	39
21 января в день празднования	39
Ватопедской[2] (Афонской) иконы Божией	
Матери	
Молитва	39
25 января, в день празднования иконы	41
Божией Матери, именуемой «Утоли моя	
печали»	
Молитва	41
Тропарь, гл. 3-й	41
5 февраля, в день иконы Божией Матери,	43
именуемой «Взыскание погибших»	
Молитва первая	43

Молитва вторая	44
Тропарь, гл. 4-й	44
Величание	45
12 февраля (31 марта и 24 апреля), в день Иверской иконы Божией Матери	46
Молитва	46
Тропарь, гл. 1-й	46
Величание	47
21 февраля, в день Козельщанской иконы Божией Матери (в деревне Козельщине Полтавской губернии)	48
Молитва	48
7 марта, в день иконы Божией Матери, именуемой «Споручница грешных»	50
Молитва	50
Тропарь, гл. 4-й	51
14 марта, в день Феодоровской иконы Божией Матери	52
Молитва первая	52
Молитва вторая	53
Тропарь, гл. 4-й	54
25 марта, в праздник Благовещения Пресвятой Деве Марии	56
Молитва первая	56
Молитва вторая	57
16 апреля (и 1 сентября), в день Черниговской	58

иконы Божией Матери	
Молитва	58
7 мая, в день Любечской иконы Божией Матери	60
Молитва	60
Тропарь, гл. 4-й	61
21 мая, в день Владимирской иконы Божией Матери	62
Молитва	62
Тропарь, гл. 4-й	64
29 мая, в день Мателикийской иконы Божией Матери	65
Молитва	65
11 июня, в день иконы Божией Матери «Милующая», или «Достойно есть»	66
Молитва	66
Тропарь, гл. 4-й	67
Тропарь, гл. 4-й	67
18 июля, в день Боголюбской иконы Божией Матери	68
Молитва первая	68
Молитва вторая	69
Тропарь, гл. 4-й	69
26 июня, в день Тихвинской иконы Божией Матери	71
Молитва	71

Тропарь, гл. 4-й	72
28 июля, в день иконы Божией Матери, именуемой «Троеручица»	73
Молитва	73
Тропарь, гл. 4-й	74
8 июля (22 октября), в день Казанской иконы Божией Матери	75
Молитва	75
Конец ознакомительного фрагмента.	76



**Полный православный  
молитвослов. Спасителю,  
Пресвятой Троице, Божией  
Матери, Святым угодникам  
Божиим. И безплотным  
силам, читаемых пред  
святыми иконами на  
молебнах и всенощных  
бдениях, с присоединением  
тропарей и величаний  
Составленный  
священномучеником  
протоиереем Алексием  
Ставровским**



*По благословению  
Архиепископа Брюссельского и Бельгийского СИМОНА*



# Отдел первый Молитвы Спасителю и Пресвятей Троице



*Вся елика аще молящися просите, веруйте, яко приемле-*

*те: и будет вам* (Мк. 11, 24) – возвестил Господь. Свою молитву о помощи и заступничестве мы обращаем теперь и к священномученику Алексию Ставровскому, удостоенному от Гóспода мученического венца.

Он принял мученическую кончину в осенние дни 1918 года, когда в Петербурге были арестованы тысячи представителей «старого мира» – «в ответ на убийство Урицкого». В период с 31 августа по 1 октября было расстреляно 512 человек. В списке под номером 59 – имя протоиерея А. Ставровского. Обстоятельства его гибели остаются неизвестными. Но известно главное: отец Алексей принял смерть за Христа, за исполнение своих пастырских обязанностей и поддержание веры в душах морских офицеров. Ведь он окормлял тех, кто подлежал уничтожению в первую очередь – офицерский состав Царской Армии.

Священномучениче отче Алексие, моли Бóга о нас!

# 10 июля<sup>1</sup>, в день Положения ризы Господней

## Молитва Спасителю

Благодарим Тя, Владыко человеколюбче, Царя веков и подателя благих, разрушившаго вражды средостение и мир подавшаго роду человеческому: даруй и нам, рабом Твоим, мир ризою Твоею честною: вкорени во всех страха Твоих, и друг ко другу любовь утверди: угаси всякую распрю, вся разногласия и соблазны: яко Ты еси мир наш, и Тебе славу возсылаем со Отцем и Святым Духом, ныне и присно и во веки веков. Аминь.

## Тропарь, глас 4-й

Днесь притецем, вернии, к Божественней и цельбоносней ризе Спасителя нашего Бога, благоизволившаго сию плотию носить и на кресте святую Свою кровь излияти, ёуже искупи нас от работы вражия. Тем благодаряще вопием Ему: спаси Великаго господина нашего Патриарха Московскаго и всея Руси Алексия II и святителей, град и вся люди чест-

---

<sup>1</sup> Все даты приводятся по Церковному (Юлианскому) календарю.

ною Твоею ризою защиты, и спаси души наша, яко Человеколюбец.

# **1 августа, в праздник Происхождения (изнесения) честных древ Животворящаго Креста Господня**

## **Молитва Спасителю**

Влады́ко, Го́споди святы́й, в вы́шних живы́й и всевидящим Твои́м оком призира́й на всю тварь! Тебе́ приклоняем выю души и тела, Тебе́ молимся, Святе святых, прости руку Твою́ невидимую от святаго жилища Твоего́, и благослови вся ны, и прости нам всякое согрешение вольное же и невольное, словом или делом содеянное. Даруй нам, Го́споди, умиление, даруй слезы сокрушенныя души во очищение многих грехов наших, даруй велию Твою́ милость миру Твоему́ и нам, недостойным рабом Твои́м, яко благословенно и препрославлено есть имя Твое́, ныне и присно, и во веки веко́в. Ами́нь.

# **16 августа, в день перенесения Нерукотворенного образа Спасителя из Едессы в Константинополь**

## **Молитвы Спасителю**

### **Молитва первая**

Господи щедры и милостивы, долготерпеливы и много-милостивы, внуши молитву нашу и вонми гласу моления нашего, сотвори с нами знамение во благо, настави нас на путь Твой, еже ходити во истине Твоей, возвесели сердца наша, во еже боятися имени Твоего святого. Зане велий еси Ты и творяй чудеса, Ты еси Бог един, и несть подобен Тебе в бозех, Господи, силен в милости и благ в крепости, во еже помогати и утешати и спасати вся уповающих на имя святое Твое. Аминь.

### **Молитва вторая**

О, Преплагий Господи Иисусе Христе, Боже наш! Ты иногда человеческого образа Твое лице пресвятое омыв водою

и отер убрисом, чудесне оное на том же убрисе изобразити и Едесскому князю Авгарю во исцеление недуга его послати благоволил еси: се и мы ныне, грешнии раби Твои, одержимии душевными и телесными недуги нашими, лица Твоего, Господи, ищем и с Давидом во смирении душ наших зовем: не отврати лица Твоего от нас, и уклонися гневом от рабов Твоих: помощник нам буди, не отрини нас и не остави нас. О, всемилостивый Господи, Спасителю наш! Вообрази Сам Себе в душах наших, да, во святые и правде жительствующе, будем сынове Твои и наследницы царствия Твоего, и тако Тебе, премилостиваго Бога нашего, купно со безначальным Отцем Твоим и Пресвятым Духом, славити не престанем во веки. Аминь.

## Молитва Пресвятей Троице

Пресвятая Троице, Единосущная Державо, всех благих вина, что воздадим Тебе за вся, яже воздала еси нам, грешным и недостойным, прежде, неже на свет произыдохом, за вся, яже воздаеши коемуждо нас по вся дни и яже уготовала еси всем нам в веце грядущем? Подобаше убо за толикия благодеяния и щедроты благодарити Тя не словесы точию, но паче дела, храняще и исполняюще заповеди Твоя: мы же, стражем нашим и злым обычаем внеше, в безчисленные от юности низвергохомся грехи и беззакония. Сего ради, яко нечистым и оскверненным, не точию пред трисветлое лице

Твоё безстыдно явится, но ниже имене Твоего Пресвятаго изрещи довлеше нам, аще бы не Ты Сама благоизволила во отраду нашу возвестити, яко, чистыя и праведныя любящи, и грешники кающияся милуеши и благоутробне приемлещи. Призри убо, о Пребожественная Троице, с высоты святыя славы Твоея на нас, многогрешных, и благое произволение наше вместо благих дел приими, и подаждь нам духа истиннаго покаяния, да возненавидевше всякий грех, в чистоте и правде до конца дней наших проживем, творяще пресвятую волю Твою и славяще чистыми помысли и благими деяньми сладчайшее и великолепое имя Твоё. Аминь.

## Молитва Бóгу Отцу

Всемогу́щий Влады́ко, премудрый и всеблагий Го́споди, светона́чальнаго Сы́на пребезнача́льный Родителю, и Живо-творя́щаго Ду́ха Твоего́ вечный присносу́щный Самоизводи-телю, Егоже величество неизчетно, слава несказанна, и милость безмерна. Благодарим Тя, яко воззвал еси нас от небытия и почтил еси драгоценным образом Твоим, яко даровал еси нам, недостойным, не точию познавати и любити Тя, но еже сладостнейше есть, и Отцем своим нарицати Тя. Благодарим Тя, Бо́же милосердия и щедрот, яко преступивших заповедь Твою, не оставил еси нас посреди греха и сени смертных, но благоволил еси единороднаго Твоего́ Сы́на, Имже и веки сотворены суть, послати на землю нашего ради спасе-

ния, да, вочеловечением Егѡ и страшными страданьми, мучительства диаволя и тли смертныя свободимся. Благодаримъ Тя, Бѡже любви и сил, яко, по вознесении на небо дражайшаго Спасителя нашего, умоленъ бывъ крестомъ Егѡ, низпослалъ еси и Духа Твоегѡ Пресвятаго на избранныя Егѡ ученики и Апостолы, да, силою Богодухновенныя проповеди ихъ, озарятъ весь миръ нетленнымъ светомъ Евангелія Христова. Самъ убо, человеколюбивый Владыко, услыши ныне смиренную молитву недостойныхъ чадъ Твоихъ, да якоже создалъ еси насъ за едину Твою благодать, искупилъ еси ны за едино благоутробие Твое, тако и спасеши насъ по единому безприкладному милосердию Твоему: зане отъ делъ нашихъ ниже следа спасения имамы, но чаяние праведныя мести и отлучения отъ пресветлаго лица Твоегѡ: аще бо и о единомъ праздномъ глаголе взыскано будетъ въ день суда и испытанія, о неизчетныхъ нашихъ беззаконіяхъ, имже согрешихомъ предъ Тобою, кий, имамы воздати ответъ? Сего ради весьма отъ делъ нашихъ отчаявшеся оправданія, ко Твоейъ единей, всякъ умъ и всякое слово превосходящей, прибегаемъ благодати, юже аки твердое основание надежды имуще, молимъ Тя: согрешихомъ, очисти Гѡсподи! беззаконновахомъ, прости Владыко! прогневахомъ Тя, примирися Долготерпеливе, и сохрани прочее: умъ, совѣсти сердце наше отъ сквернъ мирскихъ, избави и спаси ны отъ многмятежныя бури страстей и грехопадений, вольныхъ же и невольныхъ, ведомыхъ и неведомыхъ, и въ тихое управи пристанище веры, любви и упования жизни вечныя. Помяни насъ въ милости Твоей,

Господи, даруй нам вся, яже ко спасению, прощения, паче же чистое и безгрешное житие: сподоби нас любити Тя, и боятися от всего сердца нашего, и творити во всем волю Твою святую, молитвами пречистыя Владычицы нашея Богородицы и всех святых Твоих, яко благ и человеколюбец Бог еси, и Тебе славу и благодарение и поклонение возсылаем, со едиnorodным Твоим Сыном, и со пресвятым и благим и животворящим Твоим Духом, ныне и присно и во веки веков. Аминь.

## Молитва Бóгу Сыну

Единородне Сыне и Слове Божий, изволивый нашего ради спасения воплотитися и смерть претерпети, ныне же, и с пречистою плотию Твоею, на небесех на престоле со Отцем седяй и всем миром управляяй, не забуди милосердием Твоим нас, долу сущих и многими напастями и скорбями искушаемых, иже аще и весьма нечисти и недостойни есмы, но в Тебе, Спасителя и Господа нашего, веруем и иного Ходатая и надежды спасения не вемы. Подáждь, о Искупителю всеблагий, да памятуем выну, коликих мучений души и тела Твоего потребно бяше, во еже удовлети за грехи наша вечной правде Отца Твоего, и како даже до ада со креста низшел еси пречистою душею Твоею, да нас власти и мучительства адова свободиши: памятующе же о сем, да блюдемся от страстей и грехов, бывших виною лютых страданий и смерти Твоея, и да любим правду и добродетель, еже всякаго дара

Тебѣ в нас прїятнѣйше есть. Яко искушенный по всяческим, Сам веси, о Всеблагїй, коль велика есть немощь духа и плоти нашея, а враг наш силен и злохитр, яко лев рыкая ходит, иский кого поглотити: не остави убо нас Своєю всесильною помощію, и буди с нами выну, храня и покрывая, наставляя и укрепляя, радуя и веселя дух наш. Мы же, на лоно любве и милосердія Твоего повергающесе, весь живот наш, временный и вечный, Тебѣ предаем, нашему Владыце, Искупителю и Господу, моляще из глубины души, да, имиже веси судьбами, сотвориши нам прейти безбедно мрачную житія сего земнаго юдоль и достигнути Богокраснаго чертога Твоего, егоже обещал еси уготовати всем, верующим во имя Твое и последующим Божественным стопам Твоим. Амїнь.

## Молитва Бѣгу Духу Святому

Царю Небесный, Утешителю Всеблагїй, Душе истины, от Отца предвечно исходяй и в Сыне выну почиваяй, независтный Источниче дарований Божественных, разделяя их ко емуждо, якоже хоцещи, Имже и мы, недостойнии, освятихомся и назнаменани есмы в день крещения нашего! Призри на молитву раб Своих, прииди к нам, вселися в ны и очисти души наша, да будем уготовани в жилище Пресвятыя Троицы. Ей, о Всеблагїй, не возгнушайся нашея нечистоты и ран греховных, но исцели я всеврачующим помазанием Твоим. Просвети наш ум, да разумеем суету мира и яже в мире, ожи-

ви нашу совесть, да неумолчно возвещает нам, яже подобает творити и яже отметати, исправи и обнови сердце, да не источает прочее день и ночь помышлений злых и желаний не подобных, укроти плоть и угаси росоносным дыханием Твоим пламень страстей, имже помрачается в нас драгоценный образ Божий. Духа праздности, уныния, любоначалия и празднословия отжени от нас, подаждь нам духа любви и терпения, духа кротости и смирения, духа чистоты и правды, да, исправивше разслабленная сердца и колена, неленостно течем по пути заповедей святых, и тако, избегающе всякаго греха и исполняюще всяку правду, сподобимся улучшить кончину мирну и непостыдну, внити в Иерусалим небесный и тамо поклонятися Тебѣ, купно со Отцем и Сыном, поюще во веки веков: Троице Святая, слава Тебѣ!

## **Молитвы Господу Иисусу Распятому**

### **Молитва первая**

На кресте пригвожденный за ны, Иисусе Христе, едиnorodный Бога Отца Сыне, милости, любви и щедрот неисчерпаемая бездно! Вем, яко грехов ради моих, от неизреченнаго человеколюбия, кровь Твою пролияти на кресте изволил еси, юже аз, окаянный и неблагодарный, доселе скверными моими делы попирахи нивочтоже вменях. Тем убо из глуби-

ны беззакония и нечистоты моя умныма очима на распятого Тя на кресте Искупителя моего воззрев, со смирением и верою во глубину язв, Твоего милосердия исполненных, себе повергаю, грехов прощения и сквернаго жития моего исправления прося. Милостив буди мне, Владыко и Судие мой, не отрини мя от лица Твоего, но всеильною Твоею рукою Сам мя к Тебе обрати и на путь истиннаго покаяния настави, да отныне положу спасения моего начало. Божественными страданиями Твоими укроти моя плотския страсти: изливною Твоею кровию очисти моя душевныя скверны: распятием Твоим распни мя миру с его соблазнами и похотьми: крестом Твоим огради мя от невидимых враг, ловящих душу мою. Прободенными ногами Твоими от всякаго пути лукаваго возбрани ногам моим: прободенными руками Твоими руке мои от всякаго неудобнаго Тебе дела воздержи. Пригвожденный плотию, пригвозди страху Твоему плоть мою, да уклонився от зла, творю благо пред Тобю. Преклонивый главу Твою на кресте, к земли смирения приклони вознесенную мою гордыню: венцем Твоим терновым огради моя ушеса, во еже не слышати неполезнаго: желчь устами вкусивый, положи хранение нечистым устом моим: отверстое копием имей сердце, сердце чисто во мне созижди: всеми Твоими язвами, всего мя сладце в любовь Твою уязви, да Тебе, Господа моего, возлюблю всею душею, всем сердцем, всею крепостию и всем помышлением. Дажьми Себе странна и неумуща где главы поклонити: даждь ми Себе всеблагаго,

избавляющаго душу мою от смерти: даждьми Себѣ всесладкаго, услаждающаго мя в скорбех и напастех Своєю любовью, да Егоже первее ненавидах, прогневлях, от себе изгонях и ко кресту пригвождах, Сего ныне возлюблю, радуясь прииму и сладце крест Его до конца жизни моя понесу. Не даждь отселе, о всеблагий Искупителю мой, ни единой моей воли совершатися, понеже зла естии непотребна, да не паки впаду в тяжкую работу царствовавшаго во мне греха: но Твоя воля благая, спасти мя хотящая, да совершается во мне всегда, ейже мя вручая, Тебѣ распятаго Господа моего умным очесем моего сердца представляю и молю из глубины души, да и в разлучении моем от брэннаго моего тела, Тебѣ единаго на кресте Твоем узрю, в руке мя защищения Своего приемлюща и от воздушных духов злобы храняща, вселяюща же со грешники, покаянием Тебѣ благоугодившими. Аминь.

## **Молитва вторая**

Господи Иисусе Христѣ, Сыне Бога живаго, Творче неба и земли, Спасителю мира! Се аз, недостойный и паче всехгрешнейший, смиренно колене сердца моего пред славою величества Твоего преклонив, воспеваю крест и страдания Твоя, и благодарение Тебѣ, Царю всеи Бѣгу, приношу, яко благоизволил еси вся труды и всякия беды, напасти и мучения, яко человек понес ти, да всем нам во всяких печалех, нуждах и озлоблениих состраждущий Помощник и Спа-

ситель будеши. Вем, всесильне Владыко, яко вся сия Тебѣ убо не быша потребна, но человеческого ради спасения, да всех нас искупиши от лютыя работы вражия, крест и страдания претерпел еси. Что убо воздам Тебѣ, Человеколюбче, о всех, яже пострадал еси мене ради грешнаго? Не вем, душа бо и тело и вся благая от Тебѣ суть, и вся моя Твоя суть, и аз Твѣй есмь. Точию на безчисленное Твое, благоутробне Господи, милосердие надеяся, пою Твое неизреченное долготерпение, величаю неисповедимое истощание, славлю Твою безмерную милость, поклоняюся пречистым страstem Твоим, и вселюбезно лобызая язвы Твоя, вопию: помилуй мя грешнаго, и сотвори, да не бесплоден будет во мне крест Твѣй святыи, да причащаяся zde с верою страданием Твоим, сподоблюся видети и славу царствия Твоего на небеси! Аминь.

## **Молитва воскресшему Спасителю**

Слава Тебѣ, Господи Иисусе Христѣ, Бже мой, яко паки сподобил мя еси недостойнаго, прешедша поприще святаго поста, поклонитися Божественным страstem Твоим и видети всерадостный день преславнаго из гроба воскресения Твоего, вонже свободил еси сущия во аде от век связанная души праведных. Тоя Божественная свободы духа и плоти дражайший Спасителю мой, и аз желаю, да разреши мя, связана суца многими грехи, и да сотвориши возсияти живонос-

ному свету воскресения Твоего во мрачней души моей: вижду до безчисленныя щедроты и неизреченное человеколюбие Твое, яко не точию от небытия в бытие мя привел еси, и образа Твоего подобием украсив, всея дольния твари владыку поставил мя еси, но посем падша с высоты и врагу поработившася, не оставил еси, но, искупив мя безценною кровию Твоею, благодатию крещения снабдил мя еси, да востеку на первое достояние. Аз же окаянный, запят быв умом плотским, обратихся вспять и паки раб сотворихся греха и страстей, донележе един по единому погубих вся дары благодати Твоея. И ныне убо, что сотворю, не вем: обаче помянув глаголы пречистых уст Твоих, яко не пришел еси призвати праведника, но грешники в покаяние, и аз, яко един от сих, с верою и смирением прихожду к живоносному гробу Твоему, не ароматы и воню мира носяй (наг бо есмь и пусть благих дел), но паче надежду имый обрести в нем прощение грехом моим и обновление нечистому житию моему. Призри убо на мя кающася и служи Ти Тебе хотяща, и не отри ни от благодати воскресения Твоего! Живоною смертию Твоею и погребением умертви моя лютыя страсти, да, яко мертв и погребен, живу в мире сем. Преславным востанием Твоим воздвигни мою душу, умерщвленную грехи, и оживи совесть, еяже ничтоже в мире нужнейше есть. Вознесением Твоим отторгни мя от суетных и душегубных благ земных, и сотвори мя горняя мудрствовати, яко да не ктому себя живя и угождая, но Тебе, Господу и Богу моему, служа и рабо-

тая, якоже сподобихся поклонитися воскресению Твоему на земли, тако сподоблен буду видети Тебѣ, дражайшаго Искупителя моего, и на небеси, за пріятие смерти крѣстныхъ славою и чѣстію венчанна, и ставь одесную величества Твоего, со Архангелы и Ангелы, и со всеми искупленными Тобою братьями моими, во веки вековъ пою Тебѣ: Аллилуѳа. Амѳнь.

## Молитвы Иисусу Сладчайшему

### Молитва первая

*(Филофѳея, архіепископа Константина града, исправлен-  
ная к моленію от единого наедине, кроме собора).*

Согрѣших, беззаконновах и не оправдихся пред Тобою, преблагій Владыко, преступих спасительныя Твоя заповѣди и священныя обеты моя, яже во святом крещении пред святым Твоимъ жертвенником, пред Ангелы же и человеки сотворих: преобидех честную кровь завета Твоего, ёю же освятихся, общеніе искупленія прием: дух благодати обезчестих, страшнаго же и преестественнаго синоположенія небрегох: всякое писаніе, Божественный закон и ученіе Божодухновенное, ударенія воздуха тщая, и вещанія едина токмо деяній пуста во мне вменишася: именем токмо и словесы честное Евангеліе истиннаго христіанства окаян-

ный содержи: руце имам ко всякому хищению и лихоимству прилежны: нозе же скоро и дерзостно ко всякой неправде зле текущая, готовы часть братнюю восхищати и попирати, снedaюще убогих: уста священных молитв и слова Божия орган, всякия нечистоты, суесловия и клятвопреступления, бесом сотворих во орган: очи и вся моя чувства, блужения и всякаго сквернения премножеством исполних: во мне царствующаго ума Божественное благодати семя поправ, и уды Твоя, Христэ, блудничи уды сотворив, вместо храма Божия, тли и всякия нечистоты хранилище обретохся. Сего ради, преблагий Владыко, многое Твое человеколюбие в стужение претворих окаянный, и многая Твоя благая дарования, в казнь безумно мне преложих: отнюдуже ниже от сущих ми благих, ниже от болезней ближних лучший быв, праведно на мя сам Твоего праведнаго наказания язвы подвигох. Но не яростию Твоею обличи мя, ниже гневом Твоим накажи мя, Господи. Тебе единому согреших, но Тебе единому и покланяюся, и сокрушенным сердцем, яко жертву чистую, исповедание Ти приношу: ослаби, человеколюбче Владыко, остави праведно наносимую рану: на победит множество щедрот Твоих, грехов моих лукавое собрание, и Твоя безчисленная благности пучина да покрывает горькое слез моих море. Имам в руках Твоего человеколюбия образ и величество: разбойника, мытаря, блудницу и блуднаго сына, иже вси паче мене в покаянии благоискусствующе, в небесное царство предвзыдоша. Сними убо и мене исповедающася и припадающа

Ти прими, Владыко: аще же и техвсяческаго обращения и покаяния множество отстою, недоставшее да исполнит безмерная благодать Твоя, паче же и все, понеже и всего воистинну отстою. Приношу Ти рыдание убогих, и гласы младенец, смиренную и препростую, всякаго возраста молящихся часть, достойную щедрот и прощения Твоего. Имаши к сему на милосердие и милость преклоняющия Тя крест и вольную смерть, юже за мя неблагодарнаго претерпел еси, подвиги к тому Апостолов, преподобных, постников и мучеников крови: пред всеми же общую всѣх надежду и спасение, паче слова без семени рождшую Тя: ихже мольбы человеколюбно приемши, услыши мя, Иисусе Сладчайший, молящагося, и ниже токмо о мне самом, но и о нихже должен есмь. Спаси же и помилуй Святейшего Патриарха Московского и всея Руси Алексія II, со всеми благочестивыми архиереи, и весь освященный чин и причет церковный, и даруй им цело, безмятежно, благоверно, право, по преданию святых Апостол и святых отец, на Вселенских Соборах Духом Святым узаконенному, исправляти слово Твоея истины: заблудшия же от Православныя веры еретики и отступники к познанию истины призиви, неверныя просвети, да Тя уведят: грешныя к покаянию приведи, девствующим чистоту и воздержание даруй, брачным святыню, вдовицам и сирым буди воспитание, нищим покров, странствующим возвращение; плавающим пристанище, кающимся прощение даруй, плачущим утешение, благим во благодати пребывати, сред-

ним лучшими быти, согрешающим во исправление приходи-  
ти. Ей, Иисусе, сладчайший, молотися: даждь грехом моим  
оставление, ума благопостояние, тела здравие, житию нужд-  
ная довольная, мир во днех моих, воздуха благорастворение,  
земли плодородие, веры православная возвращение, и со-  
единение святых Твоих церквей, низложение ересей, советов  
нечестивых разорение, огонь любви и всякаго благочестия, в  
молитве чистоту сердечную, в злочлании терпение и ве-  
ликодушие, в надежди веселие и всякое душевному моему  
и телесному здравью и спасению полезное, паче же велико-  
лепей Твоей славе подобающее прошение даруй, и исполни  
по неизмеримым щедротам Твоим, избавляя мя надлежаща-  
го праведнаго прещения, губительства, труса, потопа, огня,  
меча и всякия смертоносныя язвы: и не хотяй смерти греш-  
ника, даруй ми время ко покаянию, яко да и настоящих зол и  
будущих вечных мук свободюся, благодатию и человеколю-  
бием безначальнаго Твоего Отца, с Нимже благословен еси,  
со пресвятым, благим и животворящим Твоим Духом, ныне  
и присно и во веки веков. Аминь.

## Молитва вторая

Владыко Господи Иисусе Христе, Боже мой, Иже неиз-  
реченнаго ради Твоего человеколюбия, на конец веков во  
плоть оболкийся от Приснодевы Марии, славлю о мне Твое  
спасительное промышление раб Твоих, Владыко: песнослов-

лю Тя, яко Тебѣ ради Отца познах: благословлю Тя, Егоже ради и Дух Святой в мир прииде: покланяюся Твоей по плоти Пречистой Матери, таковой страшней тайне послужившей: восхваляю Твоя ангельская ликостояния, яко воспеватели и служители Твоего Величества: ублажаю предтечу Иоанна, Тебѣ крестившаго, Господи: почитаю и провозвестившия Тя пророки, прославляю Апостолы Твоя святые: торжествую же и мученики, священники же Твою славою: покланяюся подобным Твоим, и вся Твоя праведники пестунствую. Такоговаго и толикаго многаго и неизреченнаго лика Божественнаго в молитву привожу Тебѣ, всещедрому Богу, раб Твой, и сего ради прошу моим согрешением прощения, еже даруй ми всех Твоих ради святых, изряднее же святых Твоих щедрот, яко благословен еси во веки. Аминь.

## Молитва третья

Тебѣ, Господи, единому благому и непамятозлобному, исповедаю грехи моя: Тебѣ припадаю вопия недостойный: согреших, Господи, согреших, и не смь достоин возрети на высоту небесную, от множества неправд моих. Но, Господи мой, Господи, даруй ми слезы умиления, единый блаже и милостивый, яко да ими Тя умолю очиститися прежде конца от всякаго греха: страшно бо и грозно место имам проити, тела разлучився, и множество мя мрачное и безчеловечное демонов срящет, и никтоже в помощь спутствуяй, или избав-

ляяй: тем припадаю Твоёй благодати, не предаждь обидящим  
мя, ниже да похвалятся о мне врази мои, благий Гóсподи,  
ниже да рекут: в руки наша пришел еси и нам предан еси.  
Ни, Гóсподи, не забуди щедрот Твои́х, и не воздаждь ми по  
беззаконием моим, и не отврати лица Твоегó от мене: но Ты,  
Гóсподи, накажи мя, обаче милостию и щедротами, враг же  
мой да не возрадуется о мне, но угаси его на мя прещения,  
и все упраздни его действо, и даждь ми к Тебé путь неукор-  
ный, благий Гóсподи, занеже и согрешив не прибегохко ино-  
му врачу и не прострох руки моя к Бóгу чуждему. Не от-  
рини убо моления моего, но услыши мя Твоёю благодатию,  
и утверди мое сердце страхом Твоим: и да будет благодать  
Твоя́ на мне, Гóсподи, яко огонь попадаяй нечистыя во мне  
помыслы, Ты бо еси, Гóсподи, свет паче всякаго света: ра-  
дость, паче всякия радости: упокоение, паче всякаго упоко-  
ения: жизнь истинная и спасение пребывающее во веки ве-  
кóв. Амíнь.

**Молитва Софии – Ипостасной  
Премудрости Божией, Спасителю  
нашему Господу Иисусу Христу  
(15 августа и 8 сентября)**

Премудрый и всеблагий Гóсподи, Спасителю наш! Про-  
светивый сиянием пришествия Твоегó мира концы и сопри-

звывая нас в Церковь Твою светлую, с обетованием наследия нетленных вечных благ, призри милостивно на нас, недостойных рабѡв Твоих, и не помяни беззаконий наших, но по безмерному благоутробию Твоему прости нам вся прегрешения наша. Аще бо и преступаем святую волю Твою, но не отметаема Тебѣ, Бѡга и Спаса нашего: Тебѣ единому согрешаем, но и Тебѣ единому служим, в Тя единаго веруем, к Тебѣ единому прибегаем и Твой точию раби быти хошем. Помяни немощь естества нашего и обдержания повсюду искушения врага и прелести и соблазны мира, ихже ради без Тебѣ, якоже рекл еси, не можем творити ничегосоже. Сам очисти и спаси нас! Сам просвети умы наша, еже непоколебимо веровати в Тя, единаго Спаса и Избавителя нашего! Сам подвигни сердца наша еже всецело любити Тя, единаго Бѡга и Творца нашего! Сам направи стопы наша, еже непреткновенно ходити во свете заповедей Твоих. Ей, Гѡсподи Спасителю наш, яви нам великую и богатую милость Твою: сотвори, да в преподобии и правде проживем вся дни живота нашего, и тако достойни будем во второе славное пришествие Твое услышати от Тебѣ милостивое призывание в Царствие Небесное, еже получитьи сподоби нас, грешных и недостойных рабѡв Твоих, и в наслаждении неизреченных красот его славити Тя вкупе со безначальным Твоим Отцем и присносущным Божественным Духом во веки веков. Аминь.

## Тропарь, гл. 1-й

На престоле огнезрачном в вышнихседяй со Отцём безначальным и Божественным Твоим Духом, благоволил еси явиться на земли, яко человек, исполняя предвечный о нас совет Святыя Троицы, Иисусе Христэ: сего ради и пострадал еси плотию, да спасеши мир и вознесеши избранныя Твоя, идеже присно, яко Бог, во славе царствуеши. Слава всеблагодарному Твоему совету, слава премудрому смотрению Твоему, слава неизреченному снисхождению Твоему, едине Человеколюбче.

## Тропарь, гл. 8-й

Премудрость Отчая, сияние славы и образе Ипостаси Егб, в начале небеса и землю основавый, благослови достояние Твоё, сохрани в мире императора, Церковь, град Твоёй и люди Твоя спаси.

## Тропарь, гл. 4-й

Велия и неизреченная Премудрости Божией сила, София преименитая, пречистый храм, огнезрачный престоле Христа Бга нашего, в Тя бо вселися неизреченно Слово Божие и плотьбысть. Невидимый явися и Неприкосновенный из Тебэ изыде и с человеки поживе, врага уловляя и человеки от

клятвы древняя свобожда. Молим тя, Владычице, отягченных нас во гресех наших помиловать и спасти души наша и, яко человеколюбивая и милосердая Царице, призри на люди Твоя и умилосердися, заступи от напастей и скорбей лютых и грады наша невредимы сохрани, идеже ныне имя Твое Пресвятое боголепно славится.

## **Величание**

Величаем Тя, Единородный Сыне Божий Иисусе Христе, вся премудростию Твоею в начале сотворшаго и человеческий падший род от вечной смерти всемилостиво искупившаго.

## **Молитвы Животворящему Кресту Господню**

### **Молитва первая**

О, всечестный и Животворящий Кресте Господень, Кровию Христа Бога нашего освященный и смертью Его нас от смерти вечная свободивый! Ты еси знамение победы на врагов наших видимых и невидимых: ты имаши явиться в час Страшного Суда Христова: тебе смиренно поклоняюся, честно прикасаюся и любезно тя лобызаю, нынешнее моление

к Распятому на тебе принося, да исцелит тя силою в тебе Своёю от всехнедугов душевных и телесных, и сохранит от врагов видимых и невидимых, и неосужденна на суде Своем одесную поставит. Ей, Животворящий Кресте святы́й, на тебе Спа́с, умирая за умершьяя грехми человеки, дух Свой яко человек испусти, Кровьже и воду источи, и сими трети, едино, еже паче всёх есть на потребу, спасение нам содела: во славу источника вод живых Бóга Отца́, Себе́ же, от кровей Девических воплощенна Бóга Сы́на, и Бóга Ду́ха Свята́го, оживляющаго дух человек: Ихже Триех во едином Божестве пособи и мне славити благодарственно, от воды крещения восприятою верою непорочною, в причастии же плоти и Крове Господних надеждою несумненною и в покаянии духом сокрушенным и любовью нелицемерною: ниже токмо в жизни сей плачевной, яко вода мимотекущей, браней и кровей исполненной, и яко пара исчезающей с воздыханием, но и в будущей блаженной прославлю Гóспода, пособием силы твоя, Кресте трблажение, да прославлю самым лица зрением верованному одержанием же чаянному и наслаждением любимому, единому в Трбице славимому в безконечныя веки векóв. Амíнь.

## Молитва вторая

О, Пречистый и Животворящий Кресте Господень! Древле убо был еси казни позорныя орудие ныне же знамение спа-

сения нашего – присно почитаемое и прославляемое! Какое достойно возмогу аз недостойный воспети Тя и како дерзну преклонити колена сердца моего пред Искупителем моим, исповедаю грехи свои? Но милосердие и неизреченное человеколюбие Распешагося на тебе смиренное дерзновение подает ми, да отверзю уста моя во еже славити Тя; сего ради вопию Ти: радуйся, Кресте, церкви Христовы – красота и основание, вся вселенная – утверждение, христиан всех – упование, Царей – держава, верных – прибежище, ангелов – слава и воспевание, демонов – страх, губительство и отгнание, нечестивых и неверных – посрамление, праведных – пристанище, заблудших – наставниче, одержимых страстями – раскаяние, нищих – обогащение, плавающих – кормчий, слабых – сила, во бранех – победа и одоление, сирых – верное покровение, вдов – заступниче, дев – целомудрия охранение, ненадежных – надежда, недужных – врачи мертвых – воскресение! Ты прообразованный чудотворящим жезлом Моисея – животворный источник, напаяющий жаждущия духовная жизни и улаждающий наши скорби, Ты – одр, на нем же царственно почил тридневно Воскресший Победитель ада. Сего ради и утро и в вечер и полудне прославляю Тя, преблаженное Древо, и молю волею Распешагося на Тебе, да просветит Он и укрепит Тобю ум мой, да откроет в сердце моем источник любви совершенней и вся деяния моя и пути мои Тобю осенит, да выну величаю Пригвожденнаго на Тебе, грех моих ради, Господи Спасителя моего. Аминь.

# Отдел второй Молитвы Божией Матери

## 21 января в день празднования Ватопедской<sup>2</sup> (Афонской) иконы Божией Матери

### Молитва

О, Пресвятая Дѣво, Мати Господа, Царице небесе и земли! Вонми многоболезненному въздыханию души нашея, призри с высоты святяя Твоея на нас, с верою и любовию поклоняющихся пречистому образу Твоему. Се бо грехми погружаемии и скорбьми обуреваемии, взирая на Твой образ, яко живей Ти сущей с нами, приносим смиренна моления наша. Не имамы бо ни иныя помощи, ни инаго предстательства, ни утешения, токмо Тебѣ, о, Мати всѣх скорбящих и обремененных! Помози нам немощным, утоли скорбь нашу,

---

<sup>2</sup> Название «Ватопедской» икона получила от чуда, совершившегося над отроком царевичем Аркадием, сыном Императора Феодосия Великого, упавшего с корабля в море и живым выброшенного назад на берег под куст близ Благовещенского Афонского монастыря в 395 году.

настави на путь правый нас заблуждающих, уврачуй и спаси безнадежных, даруй нам прочее время живота нашего в мире и тишине проводить, подаждь христианскую кончину, и на страшнем суде Сына твоего явися нам милосердая Заступница, да всегда поем, величаем и славим Тя, яко благую заступницу рода христианскаго, со всеми угодившими Бóгу. Ами́нь.

# **25 января, в день празднования иконы Божией Матери, именуемой «Утоли моя печали»**

## **Молитва**

Надеждо всёх концов земли, пречистая Дѣво, Госпоже Богородице, утешение мое! Не гнушайся мене грешнаго, на Твою бо милость уповаю: угаси ми пламень греховный и покаянием ороси изсохшее мое сердце, очисти ум мой от греховных помыслов, прими мольбу, от души и сердца со вздыханием приносимую Тебѣ. Буди о мне ходатаица к Сыну Твоему и Богу, и укроти гнев Его матерними Твоими молитвами: душевныя и телесныя язвы исцели, Госпоже Владычице, утоли болезни души и тела, утиши бурю злых нападений вражеских, отыми бремя грехов моих, и не остави мене до конца погибнути, и печалию сокрушенное сердце мое утеши, да славлю Тя до послѣдняго издыханія моего. Аминь.

## **Тропарь, гл. 3-й**

Утоли болезни многовоздыхающія души моя, Утолившая всякую слезу от лица земли. Ты бо человекѣв болезни

отгониши и грешных скорби разрушаеши: Тебѣ бо стяжахом  
всю надежду и упование, Пресвятая Мати Дѣво.

# **5 февраля, в день иконы Божией Матери, именуемой «Взыскание погибших»**

## **Молитва первая**

О, Пресвятáя и Преплагословенная Дéво, Влады́чице Богорóдице, Споручница грешных и Взыскание погибших! призри милостивым Твоём оком на нас, предстоящих пред святою иконою Твоёю и со умилением молящихся Тебé: воздвигни нас из глубины греховныя, просвети ум наш, омраченный страстьми, и уврачуй язвы душ и телес наших. Не имамы иныя помощи, не имамы иныя надежды, разве Тебé, Влады́чице: ты веси вся немощи и согрешения наша, к Тебé прибегаем и вопием: не остави нас Твоёю небесною помощию, но предстани нам присно, и Твоём неизреченным милосердием и щедротами спаси и помилуй нас погибающих. Даруй намы исправление греховныя жизни нашея и избави нас от скорбей, бед и болезней, от напрасныя смерти, ада и вечныя муки. Ты бо, Царице и Влады́чице, скорая Помощница и Заступница всем притекающим к Тебé, и крепкое прибежище грешников кающихся. Подáждь убо нам, преблагая и всенепорочная Дéво, христианский конец живота на-

шего мирен и непостыден и сподоби нас Твоим ходатайством вселиться в обителях небесных, идеже непрестанный глас празднующих радостию славит Пресвятую Троицу, Отца и Сына и Святаго Духа, ныне и присно и во веки веков. Аминь.

## Молитва вторая

Заступнице усердная, благоутробная Господа Мати, к Тебе прибегаю аз окаянный и паче всех человеков грешнейший: вонми гласу моления моего, и вопль мой и стенание услыши. Яко беззакония моя превзыдоша главу мою, и аз, якоже корабль в пучине, погружаюсь в море грехов моих. Но Ты, всеблагая и милосердая Владычице, не презри мене отчаяннаго и во гресех погибающаго: помилуй мя, кающагося в злых делах моих, и обрати на путь правый заблуждшую окаянную душу мою. На Тебе, Владычице моя Богородице, возлагаю все упование мое. Ты, Мати Божия, сохрани и соблюди мя под кровом Твоим, ныне и присно и во веки веков. Аминь.

## Тропарь, гл. 4-й

Взыщи нас погибающих, Пресвятая Дево, не по грехом бо нашим наказуеши нас, но по человеколюбию милуеши: избави нас от ада, болезни и нужды и спаси нас.

# Величание

Велича́ем Тя, Пресвята́я Де́во, и чтем образ Тво́й святы́й, имже взыскуеши погибающих и нам даруеши благодать и исцеление.

# **12 февраля (31 марта и 24 апреля), в день Иверской иконы Божией Матери**

## **Молитва**

О, Пресвятая Госпоже Владычице Богородице, прими недостойную молитву нашу, и сохрани нас от навета злых человек и от напрасныя смерти, и даруй нам прежде конца покаяние, на моление наше умилосердися, и радость в печали место даруй. И избави нас, Госпоже, от всякия беды и напасти, скорби и печали и от всякаго зла. И сподоби нас, грешных рабов Твоих, одесную стати во втором пришествии Сына Твоего, Христа Бога нашего, и наследники нас быти сподоби царствия небеснаго и жизни вечныя, со всеми святыми в безконечныя веки веков. Аминь.

## **Тропарь, гл. 1-й**

От святыя иконы Твоея, о Владычице Богородице, исцеления и цельбы подаются обильно с верою и любовью приходящим к ней: тако и мою немощ посети и душу мою помилуй, Благая, и тело исцели благодатию Твоею, Пречистая.

# Величание

Велича́ем Тя, Пресвята́я Де́во, Богоизбранная отроковице, и чтем образ Тво́й святы́й, имже точиши исцеления, с верою всем притекающим.

# 21 февраля, в день Козельщанской иконы Божией Матери (в деревне Козельщине Полтавской губернии)

## Молитва

Богородице Дѣво Пренепорочная Мати Христа Бѣга нашего, Заступнице всего рода Христианскаго! Чудотворней Иконе Твоей благоговейне предстояще, молим Тя, услыши нас молящихся Тебѣ: приими благодарения наша недостойная о всѣх неизреченных Твоих к нам благодеяниях, в месте сем и во многих весях и градах земли Россійския явленных и являемых: Ты бо еси больных исцеление, скорбящих утешение, заблуждающих исправление и вразумление. Буди всем нам покров и утешение, пристанище от всяких зол, бед и обстояний, от глада, труса, потопа, огня, меча, нашествия иноплеменник, смертоносныя язвы и от злых человек озлобления. О, Премилосердая Мати, буди присно молитвенница любвеобильная о благостоянии святаго храма сего, о мире и тишине жительства общины сея, укрепи и поддержи священнодействующыя и служащыя во святем храме сем: осени вседержавным покровом Твоим строители и благотворители святаго обители сея, воздаждь им вечными дары щед-

рот Твои́х: заступи от всякия напасти и сохрани с верою и благоговением притекающия к чудотворней Иконе Твое́й и молящиеся Тебе́ с любовию́ zde и на всяком месте. Вознеси молитвы наша, яко кадило благовонное, ко Престолу Всевышняго, дарующаго нам здравие, долгоденствие и в трудех благочестивых поспешение, да Твои́м окормлением управляеми, и покровом Твои́м осеняеми, прославим Отца́, Сы́на и Свята́го Ду́ха и Твое́ Матернее о нас заступление, всегда, ныне и присно и во веки веко́в. Ами́нь.

# **7 марта, в день иконы Божией Матери, именуемой «Споручница грешных»**

## **Молитва**

О, Владычице преблагословенная, Защитнице рода христианскаго, прибежище и спасение притекающих к Тебѣ! Вем, воистинну вем, яко зело согрешихи прогневах, премилостивая Госпоже, рожденнаго плотию от Тебѣ Сына Божия: но имам многии образы прежде мене прогнавших Его благоутобие: мытари, блудницы и прочия грешники, имже дадеся прощение грехов их, покаяния ради и исповедания. Тыя убо образы помилованных очесем грешныя души моя представляя и на толикое Божие милосердие, оных приемшее, взирая, дерзнух и аз грешный прибегнути с покаянием ко Твоему благоутобию. О, всемилостивая Владычице, да подаси ми руку помощи и испросиши у Сына Твоего и Бога матерними и святѣйшими Твоими молитвами тяжким моим грехам прощение. Верую и исповедую, яко Той, Егоже родила еси, Сын Твой, есть воистинну Христос, Сын Бога живаго, Судия живых и мертвых, воздаяя комуждо по делом его. Верую же паки и исповедую Тебѣ быти истинную Богороди-

цу, милосердия Источник, Утешение плачущих, Взыскание погибших, сильную и непрестающую к Бóгу Ходатаицу, зело любящую род христианский, и споручницу покаяния. Воистинну бо несть человеком иныя помощи и покрова, разве Тебѣ, Госпоже премилостивая, и никтоже уповая на Тя постыдеся когда, и Тобóю умоляя Бóга, никтоже оставлен бысть. Того ради молю Твою неисчетную благодать: отверзи двери милосердия Твоегó мне, заблуждшему и падшему в тимение глубины, не возгнушайся мене сквернаго, не презри грешнаго моления моего, не остави мене окаяннаго, яко в погибель злобный враг похитити мя ищет, но умоли о мне рожденнаго от Тебѣ милосердаго Сына Твоегó и Бóга, да простит великия моя грехи, и избавит мя от пагубы моея: яко да и аз со всеми получившими прощение воспою и прослаблю безмерное милосердие Божие и Твое непостыдное о мне заступление в жизни сей и в нескончаемом веце. Амíнь.

## **Тропарь, гл. 4-й**

Честное Жилище бывши неизреченнаго естества Божественнаго выше слова и паче ума, и грешным еси Споручница, подаваеши благодать и исцеление, яко Мати всѣх Царствующаго, моли Сына Твоегó получитьи нам милость в день судный.

# 14 марта, в день Феодоровской иконы Божией Матери

## Молитва первая

О, Пресвятая Владычице Богородице и Приснодево Марие, единая надеждо нам грешным! к Тебе прибегаем и Тебе молим, яко велие имаши дерзновение пред рождшимся от Тебе по плоти Господем Богом и Спасителем нашим Иисусом Христом. Не презри слез наших, не возгнушайся воздыханий наших, не отрини скорби нашея, не посрами упования нашего на Тя, но матерними молении Твоими умоли Господа Бога, да сподобит нас, грешных и недостойных, свободитися от грехов и страстей душевных и телесных, умрети миру и жити Ему единому по вся дни живота нашего. О, Пресвятая Владычице Богородице, путешествующим спутешествуй и ограждай и охраняй оныя, избави пленных от пленения, свободи страждущих от бед, утеши сущих в печали скорбех и напастех, облегчи нищету и всяко злострадание телесное, и даруй всем вся потребная к животу, благочестию и жизни временней. Спаси, Владычице, вся страны и грады и сию страну и сей град, имже сия чудотворная и святая икона Твоя дадеся в утешение и ограждение, избави я от глада, губительства, труса, потопа, огня, меча, нашествия иноплемных,

междоусобныя брани, и отврати всякий гнев на ны праведно движимый. Даруй нам время на покаяние и обращение, избави нас от внезапныя смерти, и во время исхода нашего предстани нам явльшися, Дѣво Богородице, и избави нас от воздушных мытарств князей века сего сподоби на страшнем судищи Христовем стати одесную и соделай нас наследники вечных благ, да славим во веки великолепное имя Сына Твоего и Бога нашего со безначальным Его Отцем и Святым и благим и животворящим Его Духом, ныне и присно и во веки веков. Аминь.

## Молитва вторая

О, премудрая Госпоже, Царице, Богородице, прими смиренное моление наше, и не отрини нас, заступление и прибежище наше, и не возгнушайся нас недостойных, но, яко милосердая, не престани молящи, Егоже родила еси, да дарует нам прощение многих согрешений наших, да спасет нас имиже вестъ судьбами. Помилуй нас, Владычице, помилуй нас, несть бо нам спасения от дел. Темже верно вопием Ти: помилуй рабы Твоя, и неплодное сердце наше покажи плодоносно благих дел. Призри на нас недостойных. Ты бо упование и покров наш, жизни свет сердцу нашему. Яко не вечерний свет от чрева Твоего воздвигшая, озари душу нашу, чистая, и отжени всяку мглу сердца нашего. Даруй нам умиление, покаяние и сокрушение сердечное. Сподоби нас по

вся дни живота нашего творити волю Сы́на Твоего́ и Бо́га нашего и во всем благоугождати Ему́ единому. О, Богомати, не престани молящи Рождшагося от Тебе́ за вся притекающия с верою к сему чудотворному образу Твоему́ и подавай им скорую помощь и утешение в скорбех и напастех и злостраданиях, избави их от клеветы и злобы человеческия, от враг видимых и невидимых и всякия нужды и печали. Спаси отечество наше, царствующий град наш, град сей и вся грады и страны от всяких бед и нужд, и сотвори милостива нам быти Бо́га нашего, отврати всякий гнев Его́, на ны движимый, и избави ны от належащаго и праведнаго Его́ прещенія. О, боголюбивая Влады́чице, Ангелов украшение, мучеников славо и всёх святых радости, с ними моли Го́спода, да сподобит нас в покаянии скончати живота нашего теченіи. В смерти же час, Пресвятáя Дѣво избави нас от власти бесовския и осужденія, и ответа, и страшнаго испытанія, и мытарств горьких, и огня вечнаго, да сподобьшеся славнаго царствія Божія, величаем Тя и славим воплощагося от Тебе́ Христа Бо́га нашего, Емуже слава со Отцѣм и Святы́м Ду́хом, ныне и присно и во веки веко́в. Ами́нь.

## Тропарь, гл. 4-й

Присшествіем честныя Твоея́ иконы, Богоотроковице, обрадованный днесь Богохранимый град Кострома, якоже древний Израиль к кивоту завета, притекает к изображе-

нию лица Твоего и воплотившагося от Тебе Бога нашего, да  
Твоим матерним к Нему предстательством присно ходатай-  
ствуеши всем, под сень крова Твоего прибегающим, мир и  
велию милость.

# 25 марта, в праздник Благовещения Пресвятой Деве Марии

## Молитва первая

Приими, всеблагомощная, пречистая Госпоже Владычице Богородительнице, сия честныя дары, Тебѣ единой прикладныя от нас, недостойных рабѣв Твоих, от всѣх родов избранная, всѣх тварей небесных и земных вышшая явльшаяся. По-неже бо Тебѣ ради бысть Господь сил с нами, и Тобѣю Сына Бжия познахом, и сподобихомся святаго тела Его и пречистыя крове Его. Темже блаженна еси в родех родов, Богоблаженная, Херувимов светлейши и Серафимов честнейши сущая. И ныне, всепетая Пресвятая Богородице, не престай молящися о нас, недостойных рабех Твоих, еже избавитися нам от всякаго совета лукаваго и от всякаго обстояния: и сохранимся нам неврежденным от всякаго ядовитаго прилога диавольскаго. Но даже до конца молитвами Твоими неосужденных нас соблюди: яко да Твоим заступлением и помощью спасаеми, славу, хвалу, благодарение и поклонение за вся в Трѣице единому Бѣгу и всѣх Создателю возсылаем, ныне и присно и во веки векѣв. Амѣнь.

## Молитва вторая

К Тебѣ, пречистой Божией Матери, аз окаянный, припада-  
дая, молюся: виждь, Царице, яко безпрестанно согрешаю и  
прогневаю Сына Твоего и Бога моего. И многажды аще ка-  
юся, ложьпред Богом обретаюся, и каюся трепеща, да не ка-  
ко поразит мя Господь, и по часе мале паки таяжде творю.  
Сия ведущи, Владычице моя, Пресвятая Богородице, почто  
не помилуеши, почто не укрепиши мя, и чесо ради не по-  
даси ми всегда благая творити? Веси убо, о Владычице, яко  
отнюдымам в ненависти злая моя дела и всею мыслию люб-  
лю закон Бога моего. Но не вем, Госпоже пречистая, откуда  
яже ненавижду, тая творю, и сей преступаю. Но не попушай,  
Пресвятая, воли моей совершатися, неподобна бо есть, но  
да будет во мне воля Сына Твоего и Бога моего, да мя спас-  
сет, и вразумит, и подаст ми благодать Святаго Духа, дабы  
аз отныне престал сквернодействовати, и прочее бых пожил  
в повелениях Сына Твоего, Господа нашего Иисуса Христа,  
Емуже подобает всякая слава, честь, поклонение и велеле-  
пие со безначальным Его Отцем и с пресвятым и благим и  
животворящим Его духом, ныне и присно и во веки веков.  
Аминь.

# 16 апреля (и 1 сентября), в день Черниговской иконы Божией Матери

## Молитва

О, пресвятая Госпоже, Владычице моя Богородице, Небесная Царице, спаси и помилуй мя, грешнаго раба Твоего, от напрасныя клеветы, от всякия беды и напасти и внезапныя смерти. Помилуй мя в дневных часех, и утренних, и вечерних, и во всякое время сохрани мя: стояща, сидяща соблюди, и на всяком пути ходяща, и в нощных часех спяща снабди, покрый и заступи. Защити мя, Владычице Богородице, от всех враг моих, видимых и невидимых, и от всякаго злаго обстояния. На всяком месте и на всякое время буди ми, Мати преблагая, неборимая стена и крепкое заступление.

О, пресвятая Госпоже Владычице Дево Богородице, прими недостойную молитву мою и сохрани мя от напрасныя смерти, и даруй ми прежде конца покаяние.

Пресвятая Богородице, спаси нас. Ты мне хранительница жизни всей явися, Пречистая! Ты мене избави от бесов в час смерти! Ты и по смерти упокой!

Под Твою милость прибегаем, Богородице Дево, молений наших не презри в скорбех, но от бед избави нас, едина чистая и благословенная. Пресвятая Богородице, спаси нас.

Амінь.

# 7 мая, в день Любечской иконы Божией Матери

## Молитва

О, пресвятая и преблагословенная Мати Гбспода и Спаса нашего Иисуса Христа, пречистая Приснодево, Богорбдице Марие! Припадаем и покланяемся Тебё пред святою и чудотворною иконою Твоёю, юже от лет древних зде чудесы многими и исцеленьми неисчетными прославити благоизволила еси. Смиренно молимся Тебё, благой и милосердой заступнице нашей, предстательством угодника Твоего преподобнаго Антония Печерскаго, вонми гласу грешных молений наших, не презри воздыханий от души, виждь скорби и беды, нас обышедшия, и, яко любвеобильная воистинну Мати, потщися на помощь нам беспомощным, унылым, во многия и тяжкия грехи впадшим и приснопрогневающим Гбспода и Создателя нашего, Егоже умоли, Предстательнице наша, да не погубит нас со беззаконии нашими, но явит нам человеколюбную Свою милость. Испроси нам, Владычице, у благодати Его телесное здравие и душевное спасение, благочестное и мирное житие, земли плодоносие, воздуха благорастворение, дожди благовременны и благословение свыше на вся благая дела и начинания наша. О, Царице Всепе-

тая, Мати Божия всеблагая, простри Богоноснии руце Твой к возлюбленному Сыну Твоему и Богу нашему, умоли Его вся ны спасти и избавити погибели вечныя. Якоже древле на месте сем отцем нашим милость Твою являла еси, Владычице, сице и нам ныне яви, Богородице, Твоя щедроты: болящия исцели, скорбящия утеши, бедствующим помози: споспеши всем нам носити иго Христово в терпении и смирении, и сподоби нас благочестно житие земное скончати, христианскую непостыдную кончину получитьи, и Небесное Царствие унаследити, матерним ходатайством Твоим к рождшемуся от Тебе Господу и Богу нашему Иисусу Христу, Емуже, со Безначальным Его Отцем и Пресвятым Духом, подобает всякая слава, честь и поклонение, ныне и присно и во веки веков. Аминь.

## Тропарь, гл. 4-й

Преблагословенная Царице, Пречистая Дево Богородице, прославльшая град Любечь угодника Твоего преподобнаго Антония Печерскаго рождением и чудотворныя иконы Твоея явлением, молим Тя, всеблагая, моли за ны рождшагося от Тебе Царя Христа Бога нашего, и матерним Твоим к Нему предстательством избави нас от всякаго зла: недуги наша исцели, печали наша утоли и наследники яви нас Царствия Небеснаго, яко милосердая.

# 21 мая, в день Владимирской иконы Божией Матери

## Молитва

О, всемилостивая Госпоже Богородице, небесная Царице, всемогущая заступнице, непостыдное наше упование! Благодарим Тя о всех благодеяниях, Российским людем от Тебѣ бывших, от древле и до днесь от чудотворныхъ иконы Твоея явленных. И ныне, преблагая Владычице, призри на ны грешныхъ и недостойныхъ рабы Твоя, яви нам милость Твою и моли Сына Твоего, Христа и Бога нашего, о еже избавитися нам от всякаго зла и сохранитися царствующимъ градомъ, всякому граду и веси, и всей стране нашей, от глада, губительства, труса, потопа, огня, меча, нашествия иноплеменик и междоусобныхъ брани. Сохрани и умудри пастырей Церкви, еже достойно пасти стадо Христово и право правити слово истины: укрепи Христолюбивое Всероссийское воинство, подаждь дух совета и разума военачальникомъ, градоначальникомъ и всем, иже во власти суть: ниспосли святое Твое благословение и всемъ православнымъ христианамъ, поклоняющимся Ти и молящимся предъ цельбоносною Твоею иконою. Буди намъ Заступница и Ходатаица предъ престоломъ Всевышняго, идеже предстоиши. К кому убо прибегнемъ, аще не к

Тебѣ, Владычице? Кому принесем слезы и воздыханія, аще не к Тебѣ, Пресвятая Богородице? Не имамы бо иныя помощи, не имамы иныя надежды, разве Тебѣ, небесная Царице. Под Твоѣй покров притекаем, молитвами Твоими ниспосли нам мир, здравіе, земли плодоносіе, воздуха благораствореніе, избави ны от всяких бед и скорбей, от всяких недугов и болезней, от внезапныя смерти и от всех озлобленій врагов видимых и невидимых. Вразуми и научи ны, о всемилостивая Заступнице, како безгрешно прейти путь земнаго сего житія: Ты веси немощи наша, веси и согрешенія наша, но и веру веси, и упованіе видиши: даруй же нам исправленіе греховныя жизни и умягчи злая сердца наша. Укрепи в нас правую веру, вложи в сердца наша дух страха Божія, дух благочестія, дух смиренія, терпенія и любве, в добрых делех преуспеяніе: избави же ны от искушеній, от пагубных душевредных ученій, от неверія, развращенія и погибели вечныя. Тебѣ убо просим, пречистая Владычице, и припадающе пред святою Твоею иконою, молимся, умилосердися на ны и помилуй ны, в страшный деньже суда ходатайством и заступленіем Твоим сподоби ны стати одесную Сына Твоего, Христа Бога нашего, Ему же подобает всякая слава, честь и поклоненіе, со безначальным Его Отцем, и пресвятым и благим и единосущным Его Духом, ныне и присно и во веки веков. Аминь.

## Тропарь, гл. 4-й

Днесь светло красуется славнейший град Москва, яко за-  
рю солнечную восприемши, Владычице, чудотворную Твою  
икону: к нейже мы ныне притекающе и молящися Тебѣ, взы-  
ваем сице: о пречудная Владычице Богородице! молися из  
Тебѣ воплощенному Христу Бѣгу нашему, да избавит град  
сей и вся грады и страны христианския невредимы от всѣх  
навет вражиих и спасет души наша, яко милосерд.

# 29 мая, в день Мателикийской иконы Божией Матери

## Молитва

О, Пресвятáя Влады́чице и Богорóдице, высшая Херувим и честнейшая Серафим, Богоизбранная Отроковице, всѣх скорбящих радости! подаждь утешение и нам, в скорби сущим: разве бо Тебѣ инаго прибежища и помощи не имамы. Ты едина еси радости наша Ходатаица, и яко Мать Божия и Мати милосердия, предстоящи у престола Пресвяты́я Троицы, можеш и нам помощи: никто́же бо притекаяй к Тебѣ посрамлен отходит. Услыши убо и нас ныне, в день скорби, пред Твоею иконою припадающих и со слезами Тебѣ молящихся: отжени от нас належащия на нас скорби и печали в сей временней жизни, не лишены же ны сотвори Твоимъ все-сильным ходатайством и вечныя, нескончаемыя радости в Царствии Сы́на Твоего́ и Бóга нашего. Амѣнь.

# 11 июня, в день иконы Божией Матери «Милующая», или «Достоинно есть»

## Молитва

О, пресвятая и премилостивая Владычице Богородице! припадая ко святей иконе Твоей, смиренно молимся Тебе, вонми гласу моления нашего, виждь скорби, виждь беды наша и, яко любвеобильная Мати, потщися на помощь нам безпомощным, умоли Сына Твоего и Бога нашего: да не погубит нас за беззакония наша, но явит нам человеколюбно Свою милость. Испроси нам, Владычице, у благодати Его телесное здравие и душевное спасение и мирное житие, земли плодородие, воздуха благорастворение, и благословение свыше на вся благая дела и начинания наша. И якоже древле призрела еси милостиво на смиренное славословие послушника Афонскаго, воспевавшаго Тя пред пречистою иконою Твоею, и послала еси к нему Ангела научити его пети песнь небесную, еюже славословят Тя Ангели: тако и ныне прими наше усердное молитвословие, Тебе приносимое. О, Царице Всепетая! простри ко Господу богоносная Твоя руце, имиже Богомладенца Иисуса Христа носила еси, и умоли Его избави-

ти нас от всякаго зла. Яви, Владычице, Твою милость к нам: болящия исцели, скорбящия утеши, бедствующим помози, и сподоби нас благочестно житие сие земное совершити, христианскую непостыдную кончину получитьи, и Небесное Царствие наследити, матерним ходатайством Твоим к рождаемому от Тебѣ Христу Бѣгу нашему, Емуже со безначальным Егѡ Отцѣм и Пресвятѣм Духом, подобает всякая слава, честь и поклонение, ныне и присно и во веки вековъ. Амѣнь.

## **Тропарь, гл. 4-й**

Притецем, вернии, со дерзновением к милующей Царице Богородице, и умиленно воззовем к Ней: ниспосли на ны милости Твоя богатя: Великого господина нашего Патриарха Московскаго и всея Русі Алексія II во здравии и благоденствии соблюди: град сей избави от всякаго обстояния: мир даруй миру и спасение душам нашим.

## **Тропарь, гл. 4-й**

Отцев соберитесь все афонское множество, верно празднующе, днесь радующеся и светло восклицающе вси в веселии: Бѣжия бо Мати ныне от Ангела преславно воспеваеся, темже яко Богородицу присно сию славим.

# 18 июля, в день Боголюбской иконы Божией Матери

## Молитва первая

О, пречистая Госпоже Богородице, Мати Боголюбивая, надеждо нашего спасения! воззри милостиво на предстоящая с верою и любовью и поклоняющиеся пречистому образу Твоему: приими наше хвалебное пение сие и пролей теплую Твою молитву о нас грешных ко Господу, да, презрев вся наша согрешения, спасет и помилует нас. О, предивная Владычице, покажи на нас чудныя милости Твоя: сохрани архипастырей и пастырей Церкви и все Христолюбивое воинство. Мблим Тя умиленно, избави нас от всякия скорби, настави на путь всякия добродетели и благостыни, спаси от искушений, бед и болезней, изми от нас оклеветания и ссоры, сохрани от молниеноснаго грома, от запаления огненнаго, от глада, труса, потопа и смертоносныя язвы: подай нам свою милостивую помощь на пути, в мори и на суше, да не погибнем люте. О, всемилостивая, Боголюбивая Мати, с твердым упованием возсылаем к Тебѣ нашу убогую молитву! не отрихни наших слез и воздыханий, не забуди нас во вся дни живота нашего, но всегда пребывай с нами и Твоим заступлением и ходатайством у Гбспода подаждь нам отраду, утешение,

защиту и помощь, да выну славим и величаем преблагословенное и всепетое имя Твое. Ами́нь.

## Молитва вторая

О, чудная и вышшая всёх тварей, Царице Богородице, небеснаго Царя, Христа Бóга нашего, Мати! Услыши нас, грешных и недостойных раб Твоих, в час сей молящихся и припадающих к Тебѣ с воздыханием и слезами, и умильно глаголющих: изведи нас от рова страстей, Владычице: избави нас от всякия скорби и печали, огради от всякия напасти и злых клевет и от неправеднаго и лютаго навета вражия. Можеши бо, о благодатная Матерь наша, не точию от всякаго зла сохранить люди Твоя, но и всяким благодеянием снабдити и спасти: разве Тебѣ иныя предстательницы в бедах и обстояниях и теплыя ходатаицы о нас грешных не имамы к Сыну Твоему, Христу Бóгу нашему. Егоже умоли, Владычице, да, спасеннии Тобою, славим и в будущем веце всесвятое имя Сына Твоего и Бóга нашего, купно со Отцем и Святым Духом, ныне и в безконечные веки. Ами́нь.

## Тропарь, гл. 4-й

Боголюбивая Царице, неискусомужная Дѣво, Богородице Марие, моли за ны Тебѣ возлюбившаго и рождшагося от Тебѣ Сына Твоего, Христа и Бóга нашего, подати нам

оставление прегрешений, миру мир, благоплодию изобилие, императору нашему Николаю Александровичу и наследию его спасение. Грады наша страны Российския от нахождения иноплеменных заступи, и от междоусобных брани сохрани. О, Мати, Боголюбивая Дево! О, Царице всепетая! ризою Своею покрый нас от всякаго зла, от видимых и невидимых враг защити и спаси души наша.

# 26 июня, в день Тихвинской иконы Божией Матери

## Молитва

Благодарим Тя, о, Преплагая и Пречистая, Препоблагословенная Дѣво, Владычице, Мати Христа Бѣга нашего, о всѣхъ благодеяннихъ Твоихъ, яже показала еси роду человеческому, наипаче же нам, христоименитымъ людемъ Россійскаго народа, о нихже ниже самый ангельскій языкъ къ похвалению доволенъ будетъ, якоже и ныне удивила еси неизреченную Свою милость на нас, недостойныхъ рабехъ Твоихъ, преестественнымъ самопришествиемъ пречистыя Твоея иконы, ёуже всю просветила еси Россійскую страну: темже и мы, грешнии, со страхомъ и радостию поклоняющесея, вопиемъ Ти: о Пресвятая Дѣво, Царице и Богородице, спаси и помилуй Великаго господина нашего, Святейшаго Патриарха Московскаго и всея Русіи Алексія II, архиереи же и вся люди, и подаждь имъ победы на вся враги ихъ, и сохрани царствующія грады, и вся грады и страны христіанскія, и сей святый храмъ от всякаго навета вражія избави, и всемъ вся на пользу даруй, ныне пришедшимъ съ верою и молящимся рабомъ твоимъ, и поклоняющимся пресвятому образу Твоему: яко благословенна еси съ рождшимся отъ Тебѣ Сыномъ и Богомъ, ныне и присно и во

веки веко́в.

Ами́нь.

## Тропарь, гл. 4-й

Дне́сь, яко солнце пресветлое, возсия нам на воздухе всечестная икона Твоя́, Влады́чице, лучами милости мир просвещаючи: юже великая Россия, яко некий дар Божественный свыше, благоговейне восприемши, прославляет Тя, Богомати, всѣх Владычицу, и от Тебѣ рождшагося Христа Бóга нашего величает радостно. Емуже молися, о, Госпоже Царице Богорóдице, да сохранит вся грады и страны христианския невредимы от всѣх навет вражиих, и спасет верою поклоняющихся Егó Божественному и Твоему́ пречистому образу, Дѣво неискусобрачная.

# 28 июля, в день иконы Божией Матери, именуемой «Троеручица»

## Молитва

О, Пресвятáя и Препблагословенная Дéво, Богорóдице Марие! припадаем и покланяемся Тебé пред святою иконою Твоéю, воспоминающе преславное чудо Твоé исцелением усеченныя десницы преподобнаго Иоанна Дамаскина, от иконы сея явленное, егоже знамение донныне видимо есть на ней, во образе третия руки, к изображению Твоему́ приложенныя. Мблится Ти и просим Тя, всеблагую и всещедрую рода нашего Заступницу: услыши нас, молящихся Тебé, и якоже блаженнаго Иоанна, в скорби и болезни к Тебé возопившаго, услышала еси: тако и нас не презри, скорбящих и болезнующих ранами страстей многоразличных, и к Тебé от души сокрушенныя и смиренныя усердно прибегающих: Ты зриши, Госпоже всемилостивая, немощи наша, озлобление наше, нужду, потребу нашу в Твоéй помощи и заступлении, яко отвсюду врагами окружени есмы, и несть помогающаго, ниже заступающаго, аще не Ты умилосердишися о нас, Владычице. Ей, молимтися, вонми гласу болезненному нашему и помози нам святоотеческую православную веру до конца дней наших непорочно сохранить, во всёх заповедех Господ-

них неуклонно ходити, покаяние истинное о гресех наших всегда Бóгу приносить и сподобитися мирныя христіанскія кончины и добраго ответа на страшном суде Сына Твоегó и Бóга нашего, Егоже умоли за нас матернею молитвою Твоею, да не осудит нас по беззаконіям нашим, но да помилует нас по велицей и неизреченней милости Своей. О, Всеблагая! услыши нас и не лиши нас помощи Твоея державныя, да Тобóю спасение получивше, воспоем и прославим Тя на земле живых и рождагося от Тебé Искупителя нашего, Гóспода Иисуса Христа, Емуже подобает слава и держава, честь и поклонение, купно со Отцём и Святы́м Духом всегда, ныне и присно и во веки веко́в. Амѣнь.

## Тропарь, гл. 4-й

Днѣсь всемирная радость возсія нам велия, даровася святей горе Афонстей цельбоносна Твоя, Владычице Богородице, икона, со изображением тричисленно и нераздельно пречистых рук Твоих, в прославление Святыя Троицы: созываеши бо верных и молящихся Тебé о сем познати, яко двема имеши Сына и Гóспода держати, третію же яви на прибежище и покров чтущим Тя от всяких напастей и бед избавляти, да вси, притекающіи к Тебé верою, приемлют неоскудно от всѣх зол освобождение, от врагов защищение, сего ради и мы вкупе со Афоном вопіем: радуйся Благодатная, Господь с Тобóю!

# 8 июля (22 октября), в день Казанской иконы Божией Матери

## Молитва

О, пресвятая Госпоже Владычице, Богородице! Со страхом, верою и любовью припадающе пред честною иконою Твоею, молим Тя: не отврати лица Твоего от прибегающих Тебе. Умоли, милосердая Мати, Сына Твоего и Бога нашего, Господа Иисуса Христа, да сохранит мирно страну нашу, Церковь Свою святую да незыблему соблюдет от неверия, ересей и раскола. Не имамы бо иныя помощи, не имамы иныя надежды, разве Тебе, пречистая Дево: Ты еси всесильная христиан помощница и заступница. Избави всех, с верою Тебе молящихся, от падений греховных, от навета злых человек, от всяких искушений, скорбей, бед и от напрасныя смерти. Даруй нам дух сокрушения, смирение сердца, чистоту помышлений, исправление греховныя жизни и оставление прегрешений, да вси благодарне воспевающе величия Твоя, сподобимся Небеснаго Царствия и тамо со всеми святыми прославим пречестное и великолепое имя Отца и Сына и Святаго Духа. Аминь.

# Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.